



Kjell Yri i samtale med Frp-mannen Thgorleif J. Hellesøy i valgkampen på Husnes (Foto: Ola Matti Mathisen)

I dag blir det fjerde kvelden utan nokon avklaring på ordførarspørsmålet hvis det ikkje skjer eit gjennombrøt. Men uskedalen.no har grunn til å tru at gjennombrøtet kan skje og at det kan få eit heilt anna utfall enn dei som har vore lansert til no: Venstre blir jokeren og uskedelingen Kjell Yri blir varaordfører! Ordfører blir då sjølvstilt Høgres Leif Sverre Enes, den suverene sigrar i valet.

Som også Kvinnheringen melder i dag har det vore møte mellom sigerpartiet Høgre, Framstegspartiet og Venstre, som fekk tilsaman 18 av dei 35 i kommunestyret - altså eit knappast mogeleg fleirtal.

Frp-leiar Ole Torbjørn Holmedag seier til Kvinnheringen at det har vore ein god tone mellom dei 3 og at partia føler dei har kome nærare kvarandre når det gjeld politikken den siste tida.

Holmedal fortel at dei skal halda kontakten med Venstre og det er grunn til å tru at det skjer seinare i dag. Kjell Yri er med på Humlepungens studietur til Danmark, men partiet forhandlar vidare med mellom andre avgåande varaordfører Synnøve Handeland som talskvinne.

Til no har det vorre mest fokus på Kristeleg Folkeparti som partiet på vippet, men det har så langt ikkje kome noko avklaring rundt dette og den no sittande koalisjon med Arbeidarpartiet i spissen. Det

blir ryktevis sagt at forhandlingane går tregt fordi KrF så langt ikkje får innfridd dei politiske krava sine.

Av Ola Matti Mathisen



Blir desse ordførar og varaordførar?